

circumoluti, similem naturam & causam habent, in omnibus lubricis applicati ossibus: nodosq; corporū, qui vocantur articuli, alibi interuentu, alibi ambitu, alibi transitu ligantes, hic teretes, illic lati, vt in vnoquoq; poscit figuratio. Neq; ij solidatur incisi: mirumq; vulneratis summus dolor, praefectis nullus. Si ne neruis sunt quaedā animalia, vt pisces: arterijs enim constant. Sed neque ea molli piscium generi. Vbi sunt nerui, interiores conducunt membra, superiores reuocant. Inter hos latent arteriae, id est, spiritus semita. His innatant venae, id est, sanguinis riuus. Arteriarum pulsus, in cacumine maxime membrorum euident, index fere morborum, in modulos certos legesq; metricas, per aetates stabilis aut citatus aut tardus, descriptus ab Herophilo medicinae vate, miranda arte, nimiam propter subtilitatem deserto. Observatione tamen crebri aut languidi ictus, gubernacula vitae temperat. arteriae carent sensu, nam & sanguine. Nec oēs vitalem continent spiritum: praecisusq; torpescit tantū pars ea corporis. Aues nec venas nec arterias habent: item serpentes, testudines, lacertae, minimumque sanguinis. Venae in praetenuis postremo fibras subter totam cutem dispersa, adeo in angustam subtilitatem tenuantur, vt penetrare sanguis non possit, aliudue q̄ exilis humor ab illo, qui cacuminibus innumeris sudor

*appellatur. In vmbilico venarum nodosus coitus.

*appellatur, in vmbilico venarum nodoso coitu. De sanguine, & quorū celerrime ficcetur, quorum non coeat, quorum grauissimus vel tenuissimus, quorum nullus. CAP. XXXVIIII.

Sanguis quibus multus & pinguis, iracundia: maribus q̄ feminis nigrior: & iuuenta magis quam senio: & inferiore parte pinguior. Magna & in eo vitalitatis portio. Emissus spiritum secum trahit, tamen tactum nō sentit. Animalium fortiora, quibus sanguis crassior: sapientiora, quibus tenuior: timidiora, quibus minimus: at quibus nullus, hebetia. Tauro-rū celerrime coit atq; durefcit, ideo pestifer potu maxime. Aprorum & ceruorum, caprarumq; & bubulorum omnium non spissatur. Pinguis-simus asinis, homini tenuissimus. Iis quibus plus quaterni pedes, nullus. Obesit minus copiosus, quoniam absimitur pingui. Profluuium eius vni fit in naribus hoīs alijs nare altera, alijs vtraq; quibusdā per inferna. Multis per ora stato tempore, vt nuper Macrino Visco viro praefecto, & omnibus annis Volusio Saturnino vrbis praefecto, qui nonagesimum etiam excessit annum. Solum hoc in corpore temporarium sentit incrementum. Si quidem hostiae abundantiore fundunt, si prius bibere. Quae animalium latere certis tēporibus diximus, non habent tunc sanguinem, praeter exiguas admodum circa corda guttas, miro opere naturae: Sicut in homine, vim eius ad minima momenta mutari, non modo tanto minore suffusi materia, verū ad singulos animi habitus, pudore, ira, metu, palloris pluribus modis, item ruboris. Alius enim irae, & alius verecundiae. Nam & in metu refugere, & nusquam esse certum

est: multisque non transfuere transfosis, quod homini tantum euenit. Nam quae mutari diximus, colorem alienum accipiunt quodam percussu: homo solus in se mutat. Morbi omnes morsque sanguinem absument.

An in sanguine principatus, & de tergo, & pilis, & mammis. CAP. XXXIX.

Vnt qui subtilitate animi constare non tenuitate sanguinis putent, sed cute operimentisq; corporū magis aut minus bruta esse, vt ostrea & testudines: boum tergora, setas suum obstrare tenuitati immeantis spiritus, nec purum liquidumq; trāsmittere sic & in homine, cum crassior callosiorue excludat cutis: ceu vero non crocodilis & duritia tergoris tribuatur & solertia. Hippopotami corij crassitudo talis, vt inde torquentur hasta, & tamen quaedam ingenio medica diligentia. Elephantorum quoque tergora impenetrabiles cetras habent, cum tamen omnium quadrupedū subtilitas animi praecipua perhibeatur illis. Ergo cutis ipsa sensu caret, maxime in capite. Vbi cunque per se, ac sine carne est, vulnerata non coit, vt in bucca cilioque. Quae animal pariunt, pilos habent: quae oua, pennas, aut squamas, aut corticem, aut testam vt testudines, aut cutem puram vt serpentes. Penarum caules omnium auium praecise non crescunt, vultus autem renascuntur. Membranis volant fragilibus insecta, humentibus hirundines in mari, sicca inter tecta vesperilio. Horum ala quoq; articulos habent. Pili a cute exeunt crassa hirti, feminis tenuiores, equis in iuba largi, in armis leoni: dasy-podi & in buccis intus, & in pedibus, quae vtraque Trogus & in lepore tradit, hoc exemplo libidinosiores hominum quoque hirtos colligens. Villosissimus animalium lepus. Pubescit homo solus: quod nisi contingat, sterilis in gignendo est, seu masculus, seu femina. Pili in homine partim simul, partim postea gignuntur. Congeniti autem non desinunt, sicut nec feminis magnopere. Inuenta tamen quaedam defluuium capitis inualida: vt & lanugines oris, cum menstrui cursus steterit. Quibusdam post geniti viris sponte non gignuntur. Quadrupedibus pilum cadere atq; subnasci annuum est. Viris crescunt maxime in capite, mox in barba. Recisi non vt herba ab ipsa incisura augentur, sed ab radice exeunt. Crescunt & in quibusdam morbis, maxime phthisi, & in senectate: defunctorum quoque corporibus. Libidinosi congeniti, maturius defluunt: agnati, celerius recrescunt. Quadrupedes senectute crassescunt, lanaeque rarefcunt. Quadrupedum dorsa pilosa, ventres glabri. Boum corijs glutinum excoquitur, taurorumq; praecipuum. Mammis homo solus e maribus habet: caetera animalia mammarum notas tantum. Sed ne femina quidem in petore, nisi quae possunt partus suos attollere: Oua gignentium nulli: nec lac, nisi animal parienti: volucrum vesperilioni tantum. Fabulosum enim arbitror de strigibus, vbera eas infantium labris immulgere. Esse